

ხელშეკრულება სახელმწიფო შესყიდვის შესახებ N09/37

პენიტენციური სისტემის მართვა და ბრალდებულთა/მსჯავრდებულთა ყოფითი პირობების გაუმჯობესება 260201
ელექტრონული ტენდერი აუქციონის გარეშე NAT220014820

ქ. თბილისი

16 სექტემბერი 2022 წელი

საქართველოს იუსტიციის სამინისტროს მმართველობის სფეროში მოქმედი სახელმწიფო საქვეუწყებო დაწესებულება - სპეციალური პენიტენციური სამსახური (შემდგომში „შემსყიდველი“) წარმოდგენილი ეკონომიკური დეპარტამენტის უფროსის - იულია ტყეშელაშვილის სახით და მეორე მხრივ, შპს „ბასალე“ (შემდგომში „მიმწოდებელი“) წარმოდგენილი დირექტორის - გურამ გოგბერაშვილის სახით, „სახელმწიფო შესყიდვების შესახებ“ საქართველოს კანონის, „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული წესის 33-ე მუხლის და ელექტრონული ტენდერის აუქციონის გარეშე (NAT220014820) ვდებთ ხელშეკრულებას შემდეგზე:

1. ხელშეკრულების საგანი

1.1 ხელშეკრულების საგანს წარმოადგენს სპეციალური პენიტენციური სამსახურის საჭიროებისათვის ლეიბების შესყიდვა (CPV39143113 - სპეციალური რბილი ავეჯი).

2. შესყიდვის ობიექტი

2.1 შესყიდვის ობიექტია ლეიბები.

3. ხელშეკრულების საერთო ღირებულება

3.1. ხელშეკრულების საერთო ღირებულება შეადგენს **488,400.00 (ოთხას ოთხმოცდარვა ათას ოთხასი ლარი და 00 თეთრი) ლარს**, საქართველოს კანონმდებლობით გათვალისწინებული ყველა შესაბამისი გადასახადის ჩათვლით.

3.2. შესყიდვის ობიექტის ერთეულის და საერთო ფასი, ასევე ტექნიკური აღწერილობა განსაზღვრულია დანართი N1-ით.

3.3. ამ პუნქტის 3.2. ქვეპუნქტში აღნიშნული დანართი N1 (ერთი ფურცელი) წარმოადგენს ხელშეკრულების განუყოფელ ნაწილს და თან ერთვის ხელშეკრულებას.

4. შესყიდვის ობიექტის ხარისხი, მიწოდების ვადა და ადგილი

4.1. მიმწოდებელი იძლევა გარანტიას, რომ საქონელი იქნება ხარისხიანი, უპასუხებს ხელშეკრულების პირობებს და დააკმაყოფილებს დანართი N1-ით განსაზღვრულ მოთხოვნებს.

4.2. ხელშეკრულების დანართი N1-ის პირველი პოზიციით განსაზღვრული არაუმეტეს 1000 ლეიბის მიწოდება უნდა განხორციელდეს ხელშეკრულების გაფორმებიდან არაუმეტეს 30 კალენდარული დღის განმავლობაში (არაუგვიანეს 2022 წლის 17 ოქტომბერი), ხოლო დანარჩენი ლეიბების მიწოდება უნდა განხორციელდეს არაუმეტეს 100 კალენდარულ დღეში (არაუგვიანეს 2022 წლის 26 დეკემბერი), ფასების ცხრილის დანართი N1-ით განსაზღვრული მე-2 პოზიციით განსაზღვრული ლეიბების მიწოდება უნდა განხორციელდეს ხელშეკრულების გაფორმებიდან არაუმეტეს 100 კალენდარული დღის განმავლობაში (არაუგვიანეს 2022 წლის 26 დეკემბერი), დანართი N1-ის მე-3 პოზიციით განსაზღვრული არაუმეტეს 200 ლეიბის მიწოდება უნდა განხორციელდეს ხელშეკრულების გაფორმებიდან არაუმეტეს 30 კალენდარული დღის განმავლობაში (არაუგვიანეს 2022 წლის 17 ოქტომბერი), ხოლო დანარჩენი ლეიბების მიწოდება უნდა განხორციელდეს არაუმეტეს 100 კალენდარულ დღის განმავლობაში (არაუგვიანეს 2022 წლის 26 დეკემბერი).

თუ მიწოდების ბოლო დღე დაემთხვევა არასამუშაო დღეს, საქონლის მიწოდება უნდა განხორციელდეს მომდევნო სამუშაო დღეს.

4.3. წუნდებული საქონლის გამოცვლის ვადა შემსყიდველის მოთხოვნიდან 15 (თხუთმეტი) სამუშაო დღე.

4.4. საქონლის მიწოდება და დაცლა/დასაწყობება მიმწოდებელმა უნდა უზრუნველყოს საკუთარი ხარჯით, შემდეგ მისამართზე: ქ.თბილისი, ჟორესის ქ. N10.

5. საქონლის მიღება-ჩაბარების წესი

5.1. შესყიდვის ობიექტი ჩაითვლება მიწოდებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტისა და ინსპექტირების აქტის გაფორმების შემდეგ.

5.2. მიღება-ჩაბარების აქტს ხელს აწერენ შემსყიდველის მხრიდან სპეციალური პენიტენციური სამსახურის ეკონომიკური დეპარტამენტის მომარაგების სამმართველოს საწყობის მენეჯერი, ხოლო მიმწოდებლის მხრიდან დირექტორი ან/და მის მიერ უფლებამოსილი პირი.

5.3 მიღება-ჩაბარების აქტით დადასტურდება შესყიდვის ობიექტის ფაქტიური მიწოდება, ხოლო შესყიდვის ობიექტის ხელშეკრულების პირობებთან შესაბამისობის დადასტურება მოხდება ინსპექტირების აქტით.

5.4. მიმწოდებელი ვალდებულია მიწოდებული პარტიიდან (საქონლის ეტაპობრივად შემოტანის შემთხვევაში-ყოველ ეტაპზე) ამოღებულ ნიმუშებს საკუთარი ხარჯით ჩაუტაროს ექსპერტიზა აკრედიტირებულ ლაბორატორიაში/საექსპერტო დაწესებულებაში, ამასთან აღნიშნული ნიმუშების მოწოდებული პარტიიდან ამოღება და დალუქვა მოხდება აკრედიტირებული ლაბორატორიიდან/საექსპერტო დაწესებულებიდან მოწვეული ექსპერტის (იმ აკრედიტირებული ლაბორატორიიდან/საექსპერტო დაწესებულებიდან, რომელშიც უნდა ჩაუტარდეს შესაბამისი შემოწმება) მიერ ან/და შემსყიდველის წარმომადგენელი/უფლებამოსილი პირის მიერ. ამ შემთხვევაში, საქონლის დროებით შენახვაზე გაფორმდება დროებითი შენახვის მიღება-ჩაბარების აქტი, რის შემდეგაც მიმწოდებელმა არაუმეტეს 30 კალენდარულ დღეში უნდა წარმოადგინოს დადებითი ექსპერტიზის დასკვნა. ზემოხსენებული ექსპერტიზის დასკვნა უნდა მოიცავდეს ინფორმაციას შესყიდვის ობიექტის შემადგენლობისა და საზედაპირე ქსოვილის გრამაჟის (გრ/კვ.მ) შესახებ, რომლითაც არ უნდა უარესდებოდეს სატენდერო პირობა.

5.5. საქონლის დროებით შენახვაზე გაფორმებული მიღება-ჩაბარების აქტი არ წარმოადგენს საქონლის საბოლოოდ მიღების დამადასტურებელ დოკუმენტს და არ წარმოშობს ანგარიშსწორების ვალდებულებას.

5.6. ხელშეკრულების 5.4. ქვეპუნქტით განსაზღვრული ექსპერტიზის ჩატარების შემთხვევაში, საბოლოო მიღება-ჩაბარების აქტი გაფორმებულ იქნება მხოლოდ ექსპერტიზის დადებითი დასკვნის მიღების შემთხვევაში, ამასთან საბოლოო მიღება-ჩაბარების აქტში, საქონლის მიწოდების თარიღად ჩაითვლება შემსყიდველისთვის საქონლის დროებით შენახვაზე გაფორმებული მიღება-ჩაბარების აქტის თარიღი.

6. ანგარიშსწორების პირობები

6.1. მიმწოდებელთან ანგარიშსწორება განხორციელდება ეროვნულ ვალუტაში ფაქტობრივად მოწოდებული შესყიდვის ობიექტის მიხედვით.

6.2. ხელშეკრულებით განსაზღვრული შესყიდვის ობიექტის ღირებულების ანაზღაურება მოხდება უნაღდო ანგარიშსწორების ფორმით.

6.3. ანგარიშსწორების განხორციელებისათვის მიმწოდებელმა უნდა წარადგინოს ხელშეკრულების 5.1 ქვეპუნქტში მითითებული მიღება-ჩაბარების აქტი, ინსპექტირების აქტი, სასაქონლო ზედნადები და საგადასახადო ანგარიშ-ფაქტურა (კანონმდებლობით დადგენილ შემთხვევებში).

6.4. ანგარიშსწორება შემსყიდველის მიერ მოხდება მიმწოდებლის მიერ ამ ხელშეკრულების 6.3. ქვეპუნქტით განსაზღვრული დოკუმენტაციის წარმოდგენიდან 10 (ათი) სამუშაო დღის ვადაში.

6.5. შემსყიდველი უფლებამოსილია დაკისრებული პირგასამტეხლოს თანხა (ასეთის არსებობის შემთხვევაში) დააკავოს მიმწოდებელზე გადასარიცხი თანხიდან.

6.6. მიმწოდებელმა ანგარიშსწორების განხორციელებისათვის 6.3. ქვეპუნქტში მითითებული დოკუმენტაცია თუ არ წარუდგინა შემსყიდველს შესყიდვის ობიექტის მიწოდების დამთავრების მეორე დღიდან 3 (სამი) თვის განმავლობაში, მიმწოდებელი 3 (სამი) თვის გასვლის შემდეგ კარგავს მიწოდებულ შესყიდვის ობიექტზე თანხის მოთხოვნის უფლებას შემსყიდველისათვის დოკუმენტაციის წარუდგენლობის გამო.

6.7. **დაფინანსების წყარო: 2022 წლის სახელმწიფო ბიუჯეტი.**

6.8. იმ შემთხვევაში, თუ წინამდებარე ტენდერში გამარჯვებულ პრეტენდენტთან ხელშეკრულების გაფორმების შემდეგ არ განხორციელდა ხელშეკრულების ჯამური ღირებულების ოდენობით ანგარიშსწორება სატენდერო პირობების 7.3

პუნქტით დადგენილი წესით მიმდინარე წლის 23 დეკემბრამდე, პრეტენდენტი ვალდებულია წარმოადგინოს საავანსო საბანკო/სადაზღვეო გარანტია ხელშეკრულების ჯამური ან დარჩენილი ღირებულების ოდენობაზე არაუგვიანეს 2022 წლის 23 დეკემბრისა. გარანტიის მოქმედების ვადა მინიმუმ 2 (ორი) თვით უნდა აღემატებოდეს შესყიდვის ობიექტის მიწოდების დასრულებისათვის განსაზღვრულ ვადას. ამ შემთხვევაში ანგარიშსწორება განხორციელდება საავანსო საბანკო/სადაზღვეო გარანტიის წარდგენიდან არაუგვიანეს 2022 წლის 30 დეკემბრისა.

7. მხარეთა ვალდებულებები და უფლებები

7.1. შემსყიდველი ვალდებულია:

- ა) მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;
- ბ) უზრუნველყოს უფლებრივად და ნივთობრივად უნაკლო საქონლის მიღება.

7.2. შემსყიდველს უფლება აქვს:

საქონლის მიღება/ჩაბარების დროს ჩაატაროს შემოწმება/კონტროლი (ლაბორატორიული კვლევა ან უფლებამოსილი სპეციალისტის/ექსპერტის დასკვნა) მიწოდებული საქონლის ხარისხის და რაოდენობის ხელშეკრულებასთან და დანართ N1-თან (ფასების ცხრილი) შესაბამისობის დადგენის მიზნით.

7.3. მიმწოდებელი ვალდებულია:

- ა) მიაწოდოს შემსყიდველს ხელშეკრულებით და მისი დანართით (ფასების ცხრილი) გათვალისწინებული რაოდენობისა და ხარისხის საქონელი;
- ბ) დაიცვას ხელშეკრულებით და დანართი N1-ით გათვალისწინებული ყველა პირობა;
- გ) შემსყიდველს მიაწოდოს უფლებრივად და ნივთობრივად უნაკლო საქონელი;
- დ) შემსყიდველს მიაწოდოს ხელშეკრულების 6.3. ქვეპუნქტში მითითებული ყველა დოკუმენტი;
- ე) ხელშეკრულების შესრულების პროცესში წამოჭრილ გაუთვალისწინებელ ხელშემშლელ გარემოებებთან დაკავშირებით, დაუყოვნებლივ გაუზიაროს შემსყიდველს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ.

7.4. მიმწოდებელს უფლება აქვს:

მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებული პირობებით.

8. მხარეთა პასუხისმგებლობა ხელშეკრულების დარღვევისას

8.1. ხელშეკრულების პირობების არაჯეროვანი შესრულების შემთხვევაში, მიმწოდებელს ეკისრება პირგასამტეხლო ხელშეკრულების საერთო ღირებულების 5%-ის ოდენობით.

8.2. საქონლის მიწოდების ვადის დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე მიუწოდებელი საქონლის ღირებულების 0,02%-ის ოდენობით.

8.3. ხელშეკრულების დანართი N1-ით გათვალისწინებული რაოდენობის საქონლის მიუწოდებლობის შემთხვევაში, მიმწოდებელს ეკისრება პირგასამტეხლო ხელშეკრულების საერთო ღირებულების 5%-ის ოდენობით.

8.4. ინსპექტირებისას აღმოჩენილი დეფექტის, ნაკლის გამოსწორებისათვის ან/და შეცვლისათვის მიმწოდებელმა თუ გადააცილა ხელშეკრულებით გათვალისწინებულ ვალდებულების შესრულების საერთო ვადას მიმწოდებელს ეკისრება პირგასამტეხლო ყოველ ვადაგადაცილებულ დღეზე მიუწოდებელი საქონლის ღირებულების 0,02%-ის ოდენობით.

8.5. მიწოდებულ საქონელზე აღმოჩენილი წუნის ან დეფექტის გამოსწორებისათვის მიმწოდებელმა თუ გადააცილა 15 (თხუთმეტი) სამუშაო დღეს მიმწოდებელს ეკისრება პირგასამტეხლო ყოველ ვადაგადაცილებულ დღეზე მიუწოდებელი საქონლის ღირებულების 0,02%-ის ოდენობით.

8.6. ხელშეკრულებით აღებული ვალდებულების შეუსრულებლობისათვის მიმწოდებელს ეკისრება პირგასამტეხლო ხელშეკრულების საერთო ღირებულების 10%-ის ოდენობით.

9. ხელშეკრულების მოქმედების ვადა

9.1. ხელშეკრულების მოქმედების ვადა განისაზღვრება მხარეთა შორის წარმოშობილ სამართლებრივ ურთიერთობებზე ხელშეკრულების თავში მითითებული თარიღიდან **2023 წლის 15 თებერვლის** ჩათვლით.

10. ხელშეკრულების პირობების გადასინჯვის შესაძლებლობა

10.1. ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

10.2. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

10.3. ხელშეკრულების დამდებ არც ერთ მხარეს არა აქვს უფლება ცალმხრივად შეცვალოს ხელშეკრულების პირობები.

10.4. ხელშეკრულებაში ნებისმიერი ცვლილება დაიშვება მხოლოდ მხარეთა წერილობითი შეთანხმებით.

10.5. წინასწარ გაუთვალისწინებელი მიზეზების გამო თუ წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს ნებისმიერი ინფორმაცია ცვლილების შესახებ და ცვლილება ხელშეკრულებაში შეტანილად ჩაითვლება მეორე მხარის მიერ ცვლილებაზე ხელმოწერის შემდგომ.

10.6. ხელშეკრულებაში ნებისმიერი ცვლილება უნდა გაფორმდეს „შეთანხმების“ სახით, რომელიც ჩაითვლება ხელშეკრულების განუყოფელ ნაწილად.

11. დაუძლეველი ძალა (ფორს-მაჟორი)

11.1. მხარეები არ არიან პასუხისმგებელნი თავიანთი ვალდებულების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწვეს შესაბამისი დროით, გარემოებათა დასრულების შემდეგ.

11.2. ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

11.3. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა 3 (სამი) თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

11.4. ფორს-მაჟორული გარემოების არსებობა დადასტურებული უნდა იყოს კომპეტენტური სახელმწიფო ორგანოს მიერ.

12. ხელშეკრულების ინსპექტირების პირობები

12.1. შემსყიდველი უფლებამოსილია განახორციელოს ინსპექტირება საქონლის მიწოდების პერიოდში ან შემდგომ.

12.2. ინსპექტირებისას ხილვადი დეფექტის, ნაკლის აღმოჩენის შემთხვევაში ინსპექტირების განმხორციელებელმა უნდა შეადგინოს ინსპექტირების აქტი და წარუდგინოს შემსყიდველს შემდგომი რეაგირებისათვის.

12.3. ვიზუალური დათვალიერების დროს, ხილვადი დეფექტის ან/და ნაკლის აღმოჩენის შემთხვევაში, შემსყიდველი ვალდებულია დაუყოვნებლივ წერილობით ან/და სატელეფონო შეტყობინებით აცნობოს მიმწოდებელს აღმოჩენილი დეფექტის, ნაკლის შესახებ და მოსთხოვოს ნაკლის, დეფექტის გამოსწორება ან შეცვლა.

12.4. ინსპექტირების აქტის საფუძველზე საჭიროების შემთხვევაში ჩატარდება მოწოდებული საქონლის ექსპერტიზა.

12.5. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების

ანაზღაურება ეკისრება მიმწოდებელს.

12.6. შემსყიდველის მხრიდან ხელშეკრულების შესრულების ინსპექტირებას განახორციელებს სპეციალური პენიტენციური სამსახურის ეკონომიკური დეპარტამენტის მომარაგების სამმართველოს I კატეგორიის უფროსი სპეციალისტი - **დავით სხულუხია**.

13. ხელშეკრულების შესრულების გარანტია

13.1. მიმწოდებელმა წარმოადგინა 19,536.00 (ცხრამეტი ათას ხუთას ოცდათექვსმეტი ლარი და 00 თეთრი) ლარის ოდენობით ხელშეკრულების უზრუნველყოფის საბანკო გარანტია FG/22 000269 (13/09/2022).

13.2. ხელშეკრულების უზრუნველყოფის საბანკო გარანტიის მოქმედების ვადაა: 2023 წლის 20 მარტის ჩათვლით.

13.3. ხელშეკრულების უზრუნველყოფის საბანკო გარანტია წარმოადგენს ხელშეკრულების განუყოფელ ნაწილს.

13.4. მიმწოდებლის მიერ ხელშეკრულებით გათვალისწინებული ვალდებულების დარღვევის (ხელშეკრულებით გათვალისწინებული ვალდებულების შესრულებაზე უარის თქმა, ხელშეკრულებით გათვალისწინებული ვადების დარღვევა, ვალდებულების უხარისხოდ, არაჯეროვნად, არასრულად შესრულება და სხვა) შემთხვევაში, შემსყიდველს უფლება აქვს მიმწოდებელს არ დაუბრუნოს საბანკო/სადაზღვევო გარანტიით გათვალისწინებული თანხა. შემსყიდველს უფლება აქვს ასევე მიმწოდებელს არ დაუბრუნოს საბანკო/სადაზღვევო გარანტიით გათვალისწინებული თანხა იმ შემთხვევაში თუ იგი უარს აცხადებს დაკისრებული პირგასამტეხლოს გადახდაზე (პირგასამტეხლოს პროპორციულად).

13.5. გარანტია უკან დაუბრუნდება მიმწოდებელს ხელშეკრულებით ნაკისრი ვალდებულებების სრულად და ჯეროვნად შესრულების შემდეგ.

14. ხელშეკრულების შეწყვეტა

14.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება მიმწოდებლისთვის ვალდებულების შეუსრულებლობის ან არაჯეროვნად შესრულების შესახებ წერილობითი შეტყობინების გაგზავნის შემდეგ, თუ:

ა) მიმწოდებელს ხელშეკრულებით გათვალისწინებულ ვადებში არ შეუძლია მთლიანად ან ნაწილობრივ ხელშეკრულებით ნაკისრი ვალდებულების შესრულება.

ბ) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულების შესრულება.

გ) მიმწოდებელი ხელშეკრულებით გათვალისწინებული პირობების დარღვევისათვის ხელშეკრულების მოქმედების პერიოდში დაჯარიმებულ იქნა სამჯერ.

დ) შემსყიდველისთვის ცნობილი გახდა, რომ მისგან დამოუკიდებელი მიზეზების გამო მიმწოდებელი ვერ უზრუნველყოფს ხელშეკრულებით ნაკისრი ვალდებულების შესრულებას.

ე) ხელშეკრულების ვადის გასვლის საფუძველზე.

ვ) ურთიერთშეთანხმების საფუძველზე.

14.2. ხელშეკრულების ცალკეული პირობების შეწყვეტა არ ათავისუფლებს მიმწოდებელს ხელშეკრულებით ნაკისრი სხვა ვალდებულების შესრულებისაგან.

15. დავები და მათი გადაწყვეტის წესი

15.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

15.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობით დადგენილი წესით.

16. სხვა პირობები

- 16.1. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.
- 16.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.
- 16.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.
- 16.4. ხელშეკრულება შედგენილია ქართულ ენაზე ელექტრონულად. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
- 16.5. ხელშეკრულების ნებისმიერი ცვლილება ან დამატება შედგენილ უნდა იყოს მხარეთა მიერ ელექტრონული ფორმით.

17. მხარეთა რეკვიზიტები

შემსყიდველი	მიმწოდებელი
საქართველოს იუსტიციის სამინისტროს მმართველობის სფეროში მოქმედი სახელმწიფო საქვეუწყებო დაწესებულება- სპეციალური პენიტენციური სამსახური მის: ქ. თბილისი, ზურაბ ანჯაფარიძის N27 საიდენტიფიკაციო კოდი: 205360223 სახელმწიფო სახაზინო კოდი: TRESGE22 ა/ა GE24NB 0330 1002 0016 5022 ეკონომიკური დეპარტამენტის უფროსი	შპს „ბასალე“ მის: ქ. თბილისი, პეტრიწის 1 საიდენტიფიკაციო კოდი: 405028269 საბანკო რეკვიზიტები: სს საქართველოს ბანკი ბანკის კოდი: BAGAGE22 ა/ა GE52BG0000000168950400 ტელ: 599785751 ელ-ფოსტა: basale1@yahoo.com დირექტორი
/იულია ტყეშელაშვილი/	/გურამ გოგბერაშვილი/

[illegible]

ხელშეკრულების შესრულების საგარანტიო უზრუნველყოფა
(საბანკო გარანტია)

FG/22 000269

ვის: სპეციალურ პენიტენციურ სამსახურს

მხედველობაში ვიღებთ რა, რომ შპს ბასალე-მ (ს/კ: 405028269), შემდგომში "მიმწოდებელმა" სპეციალური პენიტენციური სამსახურის წინაშე იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით, (ლეიბების შესყიდვა NAT220014820) მის მიერ მოთხოვნილ თანხაზე, ჩვენ თანახმა ვართ გავცეთ მიმწოდებლის სახელზე ზემოთ აღნიშნული გარანტია.

ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე მიმწოდებლის სახელით არაუმეტეს თანხაზე 19 536,00 (ცხრამეტი ათას ხუთასოცდათექვსმეტი) ლარი და ვკისრულობთ უპირობო და გამოუთხოვად ვალდებულებას ზემო აღნიშნული თანხის გადახდაზე "მიმწოდებლის" მიერ სპეციალურ პენიტენციურ სამსახურთან დადებული ხელშეკრულებით ნაკისრი ვალდებულების დარღვევის საფუძველზე თქვენი პირველივე წერილობითი მოთხოვნის მიღებისთანავე 5 (ხუთი) სამუშაო დღის მანძილზე.

საგარანტიო უზრუნველყოფა ძალაშია 2022 წლის 13 სექტემბრიდან 2023 წლის 20 მარტის ჩათვლით. საგარანტიო ხელშეკრულების ვადის გასვლის შემდგომ მოთხოვნა საგარანტიო თანხის გადახდაზე სპეციალური პენიტენციური სამსახურის მხრიდან აღარ მიიღება.

ეს გარანტია გაიცემა პრინციპალთან (მიმწოდებელთან) 2016 წლის 19 დეკემბერს გაფორმებული მომსახურების გენერალური ხელშეკრულების №GA 416/16 საფუძველზე.

გარანტი

სს სადაზღვევო კომპანია ჯი პი აი ჰოლდინგი
საიდენტიფიკაციო კოდი: 204426674,
კოსტავას ქ. 67, თბილისი 0160

გენერალური დირექტორის პაატა ლომაძის და
ფინანსური დირექტორის ლევან ზუროშვილის
მინდობილი პირი, მეფაბ ზალანჩივაძე

თარიღი: 13.09.2022

საქართველოს იუსტიციის სამინისტრო
საპენიტენციური სამსახური
ადმინისტრაციული დაპარტამენტი
საპენიტენციო სამსახურის სამმართველო
შემოს № 01/303995
თარიღი 14 09 2022 წ. გ. L